

潘重規先生八秩榮慶祝壽專輯

敦煌學

第十二輯

敦煌學會編印

# STUDIES ON TUN-HUANG

VOLUME XII

Association of the Studies on Tun-Huang

Hwa Kang, Taipei Taiwan R. O. C. 1987

# 敦煌古類書研究之一

## 「事林一卷」(伯四〇五二號)研究

王三慶撰、林艷枝助理

「事林一卷」者原抄以淡墨自題之名，冊葉裝訂，凡四葉。其封面有：「君須〔早〕立身，莫共酒家親。員□此事林一卷。點注看□」又有其它雜抄，墨淡不可識辨。背有雜抄二行云：

蓋聞龍沙西裔，四面並是番戎。乞聞明君，則四方慕化，八表所以通歡。

第二葉正面又雜抄：

是論語卷。實相凝空隨，實相凝空隨，以呈法身，湛寂應物。實、實、實。

居三行及「事林一卷」一行。背則接抄「董仲舒……桓榮此蒙稽」等事類，未完。第三葉又複抄「董仲舒……師事博士孔安國」事類三行，然後接抄雜文五行云：

白龍共烏嶺對望，玉門關上遠視，陽關戍精，周迴崗勢。具說中有敦煌郡城，太保千年開氣運，合五百萬(?)生羌戎，無不跪伏。塞垣燃(烽?)火，澄清難作，石規(劍?)高天」

第三葉背又自「董仲舒，廣川人也」抄起，至第四葉背「路溫舒」條止。

據此可以考知是卷乃為學郎之習書。非有意編纂之類書，其在誦讀事類之餘，為加深記憶，前數則如董仲舒、倪寬、桓榮等皆抄錄再三，逮抄錄八則後，始戲題為「事林一卷」，謂事類如林也。故可窺知學子當日誦讀或題名受「類林」影響之深遠。

今據各則敘述內容略加分析(以下以數目字代表：1字號 2時 3地 4官職 5出典)，並與類林及瑠玉集加以比較，可以作成如下簡表：

- |                         |             |             |
|-------------------------|-------------|-------------|
| (1)董仲舒、3、事、4、2 (凡三抄)    | 類林<br>五勤學 I | 瑠玉集<br>勤學 4 |
| (2)倪寬、3、事、4、2、5 (凡三抄)   |             |             |
| (3)桓榮、1、3、事、4、2、5 (凡二抄) |             | 勤學 5        |
| (4)朱買臣、1、3、事、4、2、5      |             | 五勤學 3       |
| (5)丞宮、1、3、事、2、4         |             |             |

(6)寧越、3、事、2、4、5 六勸學 3

(7)蘇秦、3、事、4、2

(8)路溫舒、1、3、事、4、5 六勸學 4 勤學 3

故敘次人事外，尚及字號、籍貫、時代、職官、出典，或全備，或一二不等，蓋爲類林事類敘次之標準格式，且其篇條與類林互有呼應，雖說相同事類僅及半數，然其取名「事林一卷」，則可斷言必受類林之影響，並添加部分事類也。

又此冊葉雖僅記載八則事類，卻可考見當日學郎或沙彌之受教育啓蒙，除識字外，恐皆以「勤學」、「勸學」等類事啓蒙，以致是類寫卷充斥眾經卷中。

若其行款，每行二十四～三十字不等。自冊葉裝訂及書迹判斷，已是「太保」後中晚唐」之學童習作。唯其所載事文雖互見於他書，其抄寫時代猶在有唐，仍具校勘價值也。

(1)董仲舒，廣川人也。少就<sup>①</sup>學，下帷讀書，弟子莫見其面。在家十七年，不窺園中。乘馬三年，不知牝母（牡）。節（志）〔在〕經傳<sup>②</sup>，仕至江郡（都）王相。前漢武帝時人。

案：董仲舒本事見於史記卷一二一儒林列傳及漢書卷五六董仲舒傳，皆言及下帷、三年不窺園，未及乘馬事；書鈔卷九十七好學「仲舒下帷」條、蒙求「董生下帷」條、白孔六帖卷八十七勤學「下帷」條言及下帷、不窺園二事，唯白孔言其十七年不窺園；斯二〇七二、增廣類林卷二勤學、御覽卷六一一勤學皆言及三事，唯斯二〇七二稱其七年不窺園，增廣類林、御覽則言十年。御覽言其乘馬三十年，不知牝牡；餘文選韋弘嗣博奕論「董生之篤」文下李善注引漢書言仲舒三年不窺園；書鈔卷九十七「乘馬不知牝牡」條言其乘馬三年，不知牝牡事。

(2)倪<sup>③</sup>寬者，千乘人也。師事博士孔安國。家貧常與人庸力，帶書客鋤。漢武帝時，位至丞相。前漢武帝時人。出漢書。

案：倪寬本事見漢書卷五八公孫弘卜式兒寬列傳，云：「兒寬，千乘人也。治尚書，事歐陽生。以郡國選詣博士，受業孔安國。貧無資用，嘗爲弟子都養。時行賃作，帶

① 「就」，原卷作「航」，蓋以形近而訛，據書鈔、白孔六帖、御覽、增廣類林諸書改正。

② 「傳」原作「博」，據增廣類林改正。

③ 「倪」字，原卷作「傀」，蓋形近而訛，據御覽卷六一一改正。漢書作「兒」，說文通訓定聲：「倪，實亦爲兒。」

經而鋤，休息輒讀誦，其精如此。以射策爲掌故，功次，補廷尉文學卒史。」書鈔卷九七好學「行常帶經」條引史記言倪寬行常帶經，白孔六帖卷八七「帶經」條，未言出處，唯云：「倪寬帶經而鋤」。「都養」條，言其「從孔安國學、貧乏、爲弟子都養」。御覽卷六一一勤學篇引漢書亦言帶經而鋤之事。

(3)桓榮，字春卿，沛國龍亢人也。與族人桓元卿俱在田鋤拾。休息之際，榮輒開書卷於田頭讀之。元卿曰：「貧賤〔如〕此，竟用是何？」榮終身不改。及帝召通尚書，選入爲皇太子師，榮遂對策高第，帝大善之，拜榮爲太子少傅。太子受榮才，稱弟子之禮，帝賜其車馬衣物。榮陳之於庭，謂父兄曰：「此蒙，稽古之力。」元卿歎曰：「我田家子，安知學問爲貴乎？」後漢光武時人。出〔後〕漢書。

案：桓榮本事見後漢書卷三七桓榮丁鴻列傳，東觀漢記卷一六桓榮列傳。後漢書未言桓榮帶經庸耕事，漢記則載其「投閒輒誦詩。」餘事類相近。伯二〇七勤學篇「桓榮」條，文字與此幾近全同。書鈔卷九七好學篇「投閒輒誦」、自孔六帖卷八七「稽古之力」條、御覽卷六一一勤學篇引後漢書，皆載此事類，書鈔、白孔較簡略，御覽則較詳細，與此條相近。

(4)朱買臣，字翁子，會稽吳人也。家貧，好讀書，不事產業。其妻羞之，求去。買臣曰：「吾年四十當貴，今已卅九<sup>④</sup>，卿努力待之。」其妻不聽，遂去，買臣亦不苦留之。明年，買臣隨上計吏客，將車詣長安。因上書陳便宜，武〔帝〕賢之，使待詔於金馬門。值邑人嚴助貴幸，薦買臣於天子，武帝遂拜買臣爲侍中，後遷會〔稽〕太守。帝謂〔買〕臣曰：「富貴不歸故鄉，如夜行衣錦，今子爲本郡〔郡守〕竟如何？」買臣曰：「但頓首辭謝而已。」買臣將發會稽，郡聞新府君當至，發民治道。故妻共後夫俱來治道，買臣遂見而識之，命<sup>⑤</sup>後車載其夫妻到郡舍後園屋中，給其衣食。數日，妻愧，遂自經<sup>⑥</sup>而死。前漢人。其漢書。

案：朱買臣本事見漢書卷六四上嚴朱吾丘等合傳，言買臣勤讀及其妻恥醜事，與此相近。蒙求卷中「買妻恥醜」、增廣類林卷二勤學篇皆引漢書，與此條近似。御覽卷四八四、類聚卷三五人部貧及伯二七二一、三七一五、語對等皆及此事，義同。

④ 「吾年四十當貴，今已三十九」，諸書皆作「吾年五十當富貴，今已四十餘（或作四十九）」。

⑤ 「命」，原卷作「會」，蓋形近而訛，據增廣類林改正。

⑥ 「自經」，原卷作「便」，文句辭意不明，據漢書改正。

(5)丞宮，字少<sup>⑦</sup>子，瑯琊<sup>⑧</sup>姑幕人也。年九歲爲牧豕，鄉里有徐子盛者用春秋教諸生數百人。丞宮當樂其業，因去其豬，學聽經。有豬主來，欲苔（笞）之。諸生共救得免。因留門下爲諸生。晝則拾薪，夜誦經典。漢明帝時，位至博士。<sup>⑨</sup>

案：丞宮本事見後漢書卷二七承宮合傳，事類與此近似，未云豬主欲笞之事，唯東觀漢記卷一七、汪輯司馬彪續漢書卷三及謝承書卷一並據御覽卷六一一勤學，與此條近同。

(6)寧越，衛人也。苦耕之勞。謂友人曰：「何猶（由）可免貧也？」友人對曰：「可勤學三十年，必得免也。」寧越曰：「他人食，吾不食；他人寢，吾不寢<sup>⑩</sup>，積十五年以當，可待，未必三十年也。」後果通藝。周威王師之，拜爲上卿。出春秋外傳。

案：寧越本事見呂氏春秋卷二四當賞篇云：「寧越，中牟之鄙人也。苦耕稼之勞，謂其友曰：『何爲而可以免此苦也。』友曰：『莫如學，學三十歲則可以達矣。』越曰：『請以十五歲，人將休，吾將不敢休。人將臥，吾將不敢臥。』後十五歲而西周威公師事之。」說苑卷三引此文，未言出處。文選韋曜博奕論「若寧越之勤」文下李善注、御覽卷六一一勤學皆引呂氏春秋，文字幾乎全同。增廣類林卷二勤學篇「寧越」條，與此條近似，亦言出春秋外傳，唯查春秋外傳無寧越事。又白孔六帖卷八七「不寢不食」條，未言出處，言寧越不寢不食與此條及增廣類林相同而與呂氏春秋載不休不臥略異。

(7)蘇秦，洛陽人也。少與魏人張儀爲友，同師事鬼谷先生。讀書至暈，懸頭於屋梁上，亦以木錐刺股，勤學，位至丞相，佩六國之印。及版東州（周），周顯王爲掃道，烈（列）鼎而食。正是<sup>⑪</sup>謂勤學之力也。

案：蘇秦本事見戰國策卷三秦策一。書鈔卷九七好學篇「引錐刺股」條，註引戰國策；白孔六帖卷八七勤學篇「刺股」條，及語對卷一一「刺股」條；皆未言出處；御覽卷六一一勤學篇引史記；隋書儒林傳序曰：「勤喻刺股」，敦煌變文集新書卷七

⑦ 「少」字，原卷作「尙」字，據漢書承宮等合傳、東觀漢記諸書改正。

⑧ 「瑯」字，原卷缺，據上列諸書補。

⑨ 「博士」二字，原卷缺，據上列諸書補。

⑩ 「吾不寢」據呂氏春秋、說苑等諸書補。

⑪ 「正是」二字連文如「豈」字，今據文義改正。

嗣書云：「懸頭刺股士蘇秦。」及伯二五〇二不知名類書「尊師能學爲德」部「蘇秦能賣下機之婦」條；皆載蘇秦勤學，以錐刺股之事蹟。

(8)路溫舒字長君<sup>⑫</sup>，鉅鹿人也。與人牧牛<sup>⑬</sup>於大澤中，溫舒截蒲爲簡，勤學。太守見，乃奇之<sup>⑭</sup>，因命爲生，學進。時拜九卿。出漢書。

案：路溫舒本事見漢書卷五一賈鄒枚路合傳，云：「路溫舒字長君，鉅鹿東里人也。父爲里監門。使溫舒牧羊，溫舒取澤中蒲，截以爲牒，編用寫書。稍習善，求爲獄小吏，因學律令，轉爲獄史，縣中疑事皆問焉。太守行縣，見而異之，署決曹史。」書鈔九七好學「截蒲爲牒」條、卷一〇一寫書「溫舒截蒲」條、卷一〇四牘「截蒲爲牒」條、御覽卷六〇六牒、卷六一一勤學並引漢書，語對卷一一「截蒲」、白孔六帖卷八七「編蒲寫書」條，皆節鈔漢書截牒寫書事，文字近同。蒙求卷中「溫舒截蒲」條未言出處，伯二〇七二勤學篇「路恩（溫舒）」條、增廣類林卷二勤學篇「路溫舒」條，所節抄皆與此條文字近同。又伯二六〇七勤讀書抄引抱朴子有「路生截蒲以寫書」，又引漢書有「路溫舒少牧羊」等殘句。


三慶案：本文原爲「敦煌古類書研究」計畫之部分，該計畫執行撰寫之際，曾蒙國家科學委員會補助聘請四位助理幫忙整理，特此申明致謝。

---

⑫ 「長君」，原卷誤倒爲「君長」，據漢書卷五一路溫舒等合傳、增廣類林諸書改正。

⑬ 「牧牛」，諸書皆作「牧羊」。

⑭ 「奇之」下原有「好學」二字，以文氣不順，據卷二〇七二勤學篇「路恩（溫舒）」條及增廣類林卷二勤學篇刪。



P. 4052 事林一卷



美明龍沙墨色西夏是秦戎

之明皇朝是秦戎之類

皇朝是秦戎之類

皇朝是秦戎之類


皇朝是秦戎之類

皇朝是秦戎之類

\* 魯君舒居此也少概字下傳請善言子子宜見其面在家  
 年不歸國中幸馬三月不如此母節廷博任江郡王稱 漫  
 武帝時人傳見者千乘也師事孔子其女國家以禮奉  
 書各難漢出時任至西極前漢 帝時人出漢書 桓節字  
 春後而國亂兵人也尚儀桓九卿俱在國招於休息之際  
 解開言春於百頭讀之九卿自有惟其見用文何恭終身未  
 及中言相高靈聖人馬皇太子師至遂對字高亦中太皇  
 行恭高太子教宗本稱事子之禮帝親其尊而衣物  
 像至是言謂之九卿後昔

魯君舒居此也少概字下傳請善言子子宜見其面在家  
 七年不歸國中幸馬三月不如此母節廷博任江郡王稱  
 漢武帝時人傳見者千乘也師事孔子其女國家以禮奉  
 書各難漢出時任至西極前漢 帝時人出漢書 桓節字  
 春後而國亂兵人也尚儀桓九卿俱在國招於休息之際  
 解開言春於百頭讀之九卿自有惟其見用文何恭終身未  
 及中言相高靈聖人馬皇太子師至遂對字高亦中太皇  
 行恭高太子教宗本稱事子之禮帝親其尊而衣物  
 像至是言謂之九卿後昔





---

敦煌學 第十二輯

編輯者：

中國文化大學  
中國文學研究所 敦煌學會

出版者：

中國文化大學  
中國文學研究所 敦煌學會

印刷者：華岡印刷廠

定價：新臺幣三八〇元

中華民國七十六年二月出版

版權所有 不准翻印

---